



P R A E F A T I O.

Monita haecce, variis observationibus ac animalversionibus ulterius illustrare, & confirmare, & inde certiora ac utiliora reddere, est hujus operis solus atque unicus scopus; est totum id, quod multorum dierum labore conatur Editor.

Paginam nostram non implent vanae aut fictae morborum species, non aegrorum somnia, sed symptomata, quae ipse miserrima vidi; eaque, non quasi agmine facto, in infinitum conglomerata sed pauca & simplicissima, ad lectum pro maxima parte delineata, perspicuo, quantum possum, sermone tradо.

Aegrис enim aut mederi, aut certe opem, quam medicina poterit, afferre, hoc erat in votis, hoc studium, hoc opus mihi semper imposui: quod adeo verum est, ut, si ex plurimis hisce observationibus una saltем aut altera occurrat, seu ex prisco aut ore alieno emissा, modò hic magis clara & distincta, aut praxi magis accommodata redditа sit; seu ex ore proprio edita, & alio indicta, modò ad humani corporis morbos & dolores prorsus tollendos pacandosve plane conferat, voto potitus sum, laetusque forte mea supremum obibo diem; dummodo sint mihi ultima verba, quae has aures personent: vale, militae nec piger, nec inutilis urbi vixisti civis.

De morborum ac medicamentorum natura, viribusque, permulta tradiderunt veteres; ea vero, non tantum sibi invicem, verae corporis humani

* 2 fa.

fabricae, & statis naturae legibus incongrua, sed absurdā & ridicula; donec immortalis Harveius, Angliae insigne ornamentum, sanguinis circuitum fida demonstratione patefaciens, hujusmodi nebulas, lucis suae splendore, dissipavit; & plus certi, uno die, medicinac Theoreticæ adduxit, quam ab omni aevo prodiderant fallaces veterum Hypotheses.

Neque revera in rebus philosophicis plus proficiendum est, dum nobis feracis ingenii subtilitates, pro rebus ipsis incauti obtrudere conantur tum medici, tum philosophi: at non est hujus loci, non mihi est in animo, alios debita laude fraudare, multo minus docta & laboriosa medicorum opera perstringere; propterea quod de his omnibus, semper mihi, ea, quā par est reverentiā, habita fuit, & habebitur sententia illa generofa, ac honesta, quae docet, nil de mortuis dicendum debere, nisi bonum.

Interea nullus dubito, quin medendi praecepta, quae his literis tradita dedi, peritissimis hujus aevi, & praesertim hujus urbis, ejusque praxi versatissimis, ad amissim cognita & apprime familiaria sint. Hisce autem quamplurimis, ad implendum vestigium illud ipsum, in quo celebris noster auctor postremum instituit, aut deest otium, aut animus; quibus, si mecum fruerentur, auctiorem de juvantibus & nocentibus, in morbis curandis, scientiam tot tantisque laboribus partam, tyronibus seu prae-fentibus, seu posteris impertire possent: en igitur, lector benebole, addenda quaedam tyrocinia, non ad hypothesis quandam subtilem stabiliendam ex-cogitata, sed ad prixin medicam planius ac certius dirigendam solummodo spectantia! En observatio-nes quasdam haec tenus praetermissas, nec, ut mihi videtur, attentione indignas, nec usu carentes.

Hoc igitur proposito bene locato munitus, in spem confidentius adducor, ut unusquisque lector in-

ingenuus, clementis patroni indulgentiam aemulari
nitatur, potius quam inquisitoris faevi aut severi
munere fungi, qui singula quaeque verba oculis
Lyncaeis rimare & culpare promptissimus moliatur.

Multa praecepta, multa equidem monita, ac
quasi nostra in opere praesenti edita, apud morbo-
rum historias a clarissimis medicis vulgatas inveniri
pro certo habeo; attamen me his locum concessisse,
non quia a veteribus ita edita aut laudata, sed
quia praxi propria stabilita sunt, nullo theoriae cu-
juslibet respectu habito, religiose pro testimonio di-
cere queam.

Mihi enim hoc erat in more instituto positum, in
omni genere & varietate morborum, quorum curam
fusceperam, accuratas eorundem, quantum potui,
historias imprimis conquerire, ac literis tradere,
symptomata omnia, ut ut per totum cujusque mor-
bi cursum inter se varia atque diversa perpendere,
comparare, & in ordinem redigere, & ex his talia
seligere, qualia, vel ad certiorem ejus notitiam,
vel ad tutiorem therapeuticen, immediate spectare,
& conferre mihi monstravit ac stabilivit experien-
tia, non decies, sed plusquam centies, & etiam
centies, repetita.

Fateor equidem, haec ipsa mihi fuisse voluptati,
si quandoque, quod non perrarum erat, mihi inter
legendum animadvertere contigerit, ut observa-
tiones quas de die in diem, de singulis morborum
speciebus feceram, quas, de rebus circumstantibus
numerofis, atque inter se dissimilibus, sigillatim
ceperam, auctorum tam veterum, quam recentium
scriptis, adeo conformes, adeo comprobatae, ac
quasi, ex eodem penu; depromptae viderentur, ut
hujusmodi notas in Aphorismorum locum, tanquam
demonstratione ulteriori haud egentium, tuto ad-
mittendas esse, vix, ac ne vix mihi quidem du-
bium esse posset.

Objicit hinc aliquis derisor forsitan, nihil ideo-

que in paginis sequentibus dictum esse, quod non dictum prius: ne frustretur ipse se, me facti reum tantum non habet; at lectorem ingenuum aequumque quiddam novum ac non inutile reperire posse, mihi ipse equidem confido.

Veritates interim, easque insignes, maximique momenti, nobis tradidisse autores medicos, haud nego; verum enimvero non minus constat, eorum scripta, paucis saltem exceptis, tanta farragine hypothetica, tantis fabellis anilibus, tantis cautionibus tam perplexis quam incongruis, scatere; ut ipsa paecepta, quae ad cognoscendos accurandos morbos multum & vere conferant, delitescentia & quasi obruta redditia sint: imo ita certè confunduntur vera falsis, ut parvae auri atque argenti portioni sub vastis urbis conflagratae cineribus sepultae, & inter se commissae, jure comparari possint: optata inde metalla, ut ut pretiosa eruere, aut vix, aut nullo modo operae pretium esset; quid enim spei restet, nisi multum sudare, & frustra forsitan summo cum periculo servilem & affiduum impendere laborem?

Si naturae leges asperae velint postulentque, ut sint mille morborum species; tentanda quoque via, ut artis medicae professores mille salutis modos investigent, paebeantque; denique, ut omnibus mendendi armis instructi, humano generi tantis in periculis versato, opemque undique imploranti, se reddere valeant paeſidia fida, atque solamina gratisima.

Responce idcirco diligenter, quid velit ac possit microcosmi concordia discors: quid moneant aut mandent variae ejus facultates & functiones laefae: & his cognitis, solvens illud universale, Alcacheton dictum nec quaeres, nec desiderabis, aut si panaceorum adeo appetens, ut ea adhuc investigare, & tentare hoc tibi sit opus, atque hic labor; nomen merebis, quod dicere nolo.

N O-